

元始無量度人上品妙經卷之五十九

化屍受形品

道言昔於洞光天中空化飛歌太玄育土受元始度人化屍受形無量上品元始天尊當說是經周迴十過以召十方始當詣座天尊大神上聖高尊化屍受形妙行真人無鞅數眾乘空而來浩氣排還策空扇景紫輿黃蓋絳霄瓊輪曲晨垂蔭丹精靈光眾彩騰耀蒼靈鬱勃洞煥太空三日三夜諸天星根日華珠網月耀一時停輪和風卻煙彩雲布瑞天無浮翳四氣朗清一國地土山川林木緬平一等無復高下土作柔碧交輝紋玉無有異色眾真侍座元始天尊玄坐空浮九氣梵光瓊臺之上說

道藏輯要

度人妙經

至
卷八

九集五

經一遍諸天大聖同時稱善是時一國男女屍穢殄殛受形變仙說經二遍雲華邏虛金容爍日說經三遍花凝仙露萬藥呈珠說經四遍生神鍊骨屍化形完說經五遍大結開通神氣併會說經六遍名錄上清靈津灌體說經七遍靈儀擲火洞照泥丸說經八遍天馬馳風易屍革故說經九遍三官命誥謝陰尸說經十遍神華定保生氣海澄是時一國是男是女莫不傾心皆受護度咸得長生

道言是時元始天尊說經一遍東方無極無量品道寂大神無鞅之眾浮空而至說經二遍南方無極無量品神力大神無鞅之眾浮空而至說經三遍西方無極無量品攝精大神無鞅之

眾浮空而至說經四遍北方無極無量品玄運大神無鞅之眾
浮空而至說經五遍東北無極無量品尸魔大神無鞅之眾浮
空而至說經六遍東南無極無量品靈儀大神無鞅之眾浮空
而至說經七遍西南無極無量品胎靈大神無鞅之眾浮空而
至說經八遍西北無極無量品機用大神無鞅之眾浮空而至
說經九遍上方無極無量品化屍大神無鞅之眾浮空而至說
經十遍下方無極無量品受形大神無鞅之眾浮空而至十遍
周竟十方無極天真大神一時同至一國男女傾心歸仰明曉
大道深契神源咸言得生皆有壽紀算厯千萬不免有期玄極
威神施布大法使令一心開達根本知未生時復是何狀太空

道藏輯要

度人妙經

卷

元集五

之中以何因緣忽生知覺及以見聞五行寒暑無不備識生道
將去氣散神離尸穢徒在元始神智蓋養羣生一感至靈化此
尸朽受形更生上爲真人必有妙蘊是當敷宣如是天人其眾
無量扶攜幼耄若賢若愚若凡若聖皆願傾聞雖彼天中尚繫
愛欲所染輕微然於道妙未得虛明皆承勝化蓬鬢雲集來者
有如細雨密霧無鞅之眾迨國一半土皆偏陷非可禁止於是
元始普知眾念頂出祥光其光九色照徹十方無極國土三十
二天三十二帝無不明煥於此光中普現億劫眾生迷妄癡習
遞相爲種展轉生滅不見道真無量業果無量報對無量冤債
一一瞭然如對心目元始俯觀大眾發言告曰玉清之道妙出

萬天神氣回光尸滅形鍊形鍊爲氣抱神含虛隱顯自由出沒
無礙回觀世界細於一滴乃攝祥光所現境界搏爲寶珠大如
黍米在空玄之中去地七丈元始登引天真大神上聖高尊化
尸受形妙行真人玄默靈仙無鞅數眾俱入寶珠之中天人仰
看惟見勃勃從珠口中入既入珠口不知所在國人廓散地還
平正無復欹陷元始卽於寶珠之內說經都竟眾眞監度以授
於我當此之時喜慶難言法事粗悉諸天復位倏歟之間寂無
遺響是時天人遇值經法普得濟度全其本年無有中傷傾土
歸仰化屍受形不晦不明不伐不侵不淨不穢不用不驚不戒
不分化除尸質受度生形齊同慈愛異骨成親國安民豐欣樂

道藏輯要

度人妙經

卷

九集五
X X X

太平經始出教一國以道預有至心宗奉禮敬皆得度世

道言元始天尊說經中所言並是諸天上帝化尸內名隱韻之
音亦是眞王受形內諱百靈之隱名也非世之常辭上聖已成
眞人通玄究微化滌尸朽受易靈形能悉其章誦之十過諸天
遙感陳故改新萬帝歎嘉付形稟眞九海靜波五山吐雲日月
雙景華芒運精回雌轉雄凡變爲仙羣魔束形鬼魅滅爽化屍
受形白骨成人至學之士誦之十過則五臟返生三尸逃奔魔
精喪眼鬼祇滅爽濟度垂死絕而得生所以爾者學士穢氣未
消體未洞眞以生制尸威未領天政德可伏御地祇束縛魔靈
但却死而已不能降眞輕誦此章身則被殃供養尊禮門戶興

隆世世昌熾與善因緣萬災不干神明護門斯經尊妙獨步玉京度人無量爲萬道之宗巍巍大範德難可勝

道言凡誦是經十過諸天齊到億曾萬祖幽魂苦爽皆卽化尸受形上昇朱宮格皆九年受化更生得爲貴人而好學至經功滿德就皆得神仙飛昇金闕遊宴玉京也上學之士修誦是經皆卽受度形鍊尸滅飛昇南宮世人受誦則延壽長年後皆得作尸解之道魂神暫滅不經地獄卽得返形遊行太空此經微妙普度無窮一切天人莫不受慶無量之福生死蒙惠上天所寶不傳下世至士齋金寶效心盟天而傳輕泄漏慢殃及九祖長役鬼官侍經五帝玉童玉女各二十四人營衛神文保護受道藏輯要

度人妙經

卷

九集五

經者身

道言正月長齋誦詠是經太清傳靈紫皇帝君爲兆上世亡魂斷地逮役化屍受形度上南宮七月長齋誦詠是經上清三真太微帝君爲兆化屍受形身得神仙書名紫籙金簡削死上生十月長齋誦詠是經玉清神素飛玄帝君爲兆化屍受形得爲飛仙國王帝主君臣父子安鎮國祚保天長存世世不絕常爲人君安鎮其方民稱太平八節之日誦詠是經九天化屍受形帝君爲兆解度仙眞降庭得爲九宮眞人本命之日誦詠是經九天眞王飛駕空洞爲兆化屍澡潔魂神受形太玄百神飲丹至命澄正萬氣長存不經苦惱身有光明三界侍衛五帝司迎

萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二通上聞三十二天心拜三十二過閉目靜思身坐碧紫白三色雲氣之中內外蒨冥有青龍白虎朱雀玄武獅子白鶴羅列左右日月照明洞煥室內頂生圓象光映十方如此分明密咒曰

無上玄元太上道君召出臣身中三五功曹左右官使者侍香玉童傳言玉女五帝直符直日香官各三十二人關啓所言今日吉慶長齋清堂修行至經無量度人願所啓上徹徑御

無上三十二天元始上帝至尊几前

畢

道藏輯要

度人妙經

五

元集五

引炁三十二過東向誦經

元始無量度人上品妙經

元始洞玄靈寶本章化屍受形妙感度人百魔隱韻離合自然
元氣赤上火鍊成眞元始祖劫化屍受形神去曰屍不覺不聞
神附曰形動起屈伸是皆道機太上所尊無不化屍無不受形
形動屍靜神運至均化屍成形精氣自生同本天地開明三景
是爲天根神無相狀以道爲身五行之精神炁氤隨情感色
因色賦形五色眞氣結爲五文五文開廓普植神靈無文不光
無文不明無文不立無文不成無文不度無文不生招靈眞符
白骨成形人皇內書尸形更生鍊故反新眞得其眞化屍受形
形固能存小大無常飛登太清是爲大梵天中之天鬱羅蕭臺

道藏輯要

度人妙經

卷

亢集五

玉山上京上極無上大羅玉清眇眇劫仞若亡若存三華離便
大有妙庭金闕玉房森羅淨霄大行梵氣周迴十方中有化屍
受形之神中有南極虛和變生長生大君中有易質降精受形
司馬大神中有玄文化尸好生韓君丈人中有南上司命司錄
延壽益算度厄尊神化尸受形無量度人今日校錄諸天臨軒
東方無極蘊光神王長生大聖無量度人
南方無極開明神王長生大聖無量度人
西方無極大氣神王長生大聖無量度人
北方無極子育神王長生大聖無量度人
東北無極感德神王長生大聖無量度人

東南無極慶生神王長生大聖無量度人
西南無極母道神王長生大聖無量度人
西北無極元父神王長生大聖無量度人
上方無極生尸神王長生大聖無量度人
下方無極回形神王長生大聖無量度人

十方至真飛天化尸受形神王長生度世無量大神並乘三素
飛雲珠光洞霄靈輿翠輦羽葆驂駕白獸碧鳳麒麟建太微回
黃之旗無英命靈朱旛前嘯洞章齊唱後奏內音同和玄鶴青
鸞嘯歌囉囉七真導前八靈翊後千乘萬騎浮空而來天光朗
耀洞徹重昏方諸仙相南水左宮主生真宰太陽火官執籙把
道藏輯要

度人妙經

卷五 九集五

籍齊到帝前隨業考校咸使升遷符告北帝太陰諸神九水佐
理玄滋靈君雷電陰景豁落七元九映威劔六天大魔司錄司
命司察司功冥關幽府泉曲河源真王有命普度沈骸太玄起
尸黃水浴魂流火蕩穢紫融鍊形施靈合氣仙化成人不歷胎
垢澄淨光明因緣輪轉與天齊年永離風刀塗炭魔試之難飛
行遊宴逍遙上清上清之天天帝洞陽無色之境梵行

東方八天

利慶昭華天

帝玉剛棲羣

浮輿秉衡天

帝紹元子宗

汨沱灑流天

帝保仙宜逢

少正除皇天

帝辨宛通

角滌聚蜺天

帝每承符公

記淀猶休天

帝綠方旋容

道治區玄天

帝樂慈昇

洞幽浚微天

帝魯希伯文

南方八天

錫華紫真天

帝梵澤雲

商廬藏文天

帝覺蒲宛婁

壯枝闌芒天

帝奢維遲全

報遵陽彭天

帝茂唐敷玄

道藏輯要

度人妙經

卷一 文文 元集五

火藏照沙天

帝極道嗣聽

黃靈剡湧天

帝福孳決生

谷羅應仙天

帝八冥杜防

靚佃幼明天

帝甘都求征

西方八天

鎮混洞香天

帝伯上臬卿

乾庇邈虛天

帝紫雲仲枚

烈命周隅天

帝緬聖慷呼

閭正雅樞天

帝益倪慈忸

濯幹紇化天

帝梵閔阿巴

浩回奉靈天

帝常招顯童

夜河司靈天

帝倩侍衛瑤

太紫輪真天

帝閔俞至晨

北方八天

寶聚紫陽天

帝玄方九靈

景映神變天

帝燎摩燕元

瀆望昇持天

帝雷智道開

太始珍輝天

帝璧明雲璣

朝衛尊景天

帝阿龍長

妙禁霄址天

帝握仙法王

道藏輯要

度人妙經

卷一 亢集五

典教歷紀天

帝億宇始飛

照罪解尸天

帝善勝祈門

三十二天三十二帝諸天隱諱諸天隱名天中空洞自然靈章
諸天隱韻移氣之音復命之尊回生之神化屍大魔受形之靈
九散十合變化上清無量之奧深不可詳數落神眞普度天人
今日欣慶受度歷關諸天請滅三惡斬絕尸根飛眞受形名列
太玄眞王監舉無拘天門東斗主算西斗記名北斗落死南斗
上生中斗大魁化尸受形青帝召魂白帝制魄赤帝還氣黑帝
返血黃帝復命萬神持節速徵太一起尸復生形具神備調理
三關神風入穴泉溢崑山玉童一呼六丁威南變化恍惚登仙

隔凡神境具前黃誌金顏賜兆虎弁丹衣碧襴佩籙九霄仰視
泥丸三五斗綱紫雲流煙尸化形鍊飛昇太淵坐鎮九戶嘯攝
百靈青天魔王斬絕遊尸赤天魔王金印玉螭白天魔王元海
素龜黑天魔王玄光老師黃天魔王絳帳紫嬰風令火勅急急
化尸天尸皇君奏帝寶章地尸皇君殺鬼伏藏人尸皇君截戮
死殃尸作生形綠海霞漿八萬四千華室曲房神靈畢至返一
混芒骨有青霜髓如碧琅爲其化尸叱逐魔冤五帝大魔萬神
之宗飛行鼓從總領神兵麾幢鼓節遊觀太空仗衛赫奕天錄
敷功化尸受形嚴攝北酆天機上相玉清神公恭受帝命普掃
不祥雷雹激戾龍虎蹶張天丁驅邪大帥橐風黑雲萬里電火
道藏輯要

度人妙經

卷之五 九集五

八衝敢有干試拒遏眞魂金鉞前戮巨蟒吞精屠割鬼爽風火
無停千千截首萬萬剪形魔無干犯鬼無祆精天中隱勅除籍
勾名三官北酆明檢鬼營不得容隱金馬驛呈普告無窮萬神
咸聽三界五嶽列言上清

瀆混昊厯龍漢儀康俶台莽劫灝滉之中上立無色下開九淵
風鼓波蕩三萬六千外堅中虛金鎖流玄極上下無幽無冥
無形無影無極無窮若有大神虎齒龍唇六目八角乘駕風雲
手托混沌狀如卵形三寸五分圓白如銀內有三界日月乾坤
山海草木老父幼孫生者受形滅者化屍往來輪轉氣常運機
尸化爲鬼鬼化爲人是道還返秋轉爲春帝吐玉符化尸斷死

受形生眞眞無比倫太空浩氣北斗南辰合爲至無玄白不分
溟滓大梵遼廓無光赤明開圖運度自然元始安鎮敷落五篇
赤書玉字八威龍文保制劫運使天長存梵炁彌羅萬範開張
元綱流演三十二天輪轉無色周迴十方旋斗厯箕回度五常
三十五分總炁上元八景冥合炁入玄玄玄中太皇上帝高眞
泛景太霞嘯咏洞章金章明郁豁落擊摧尸鬼奔逃魂來魄歸
流響雲營虛寂聚炁律呂生神鳳舞鸞吟玉音雲藏風回雨施
帝一在離羣眞列位捧璧跨瑞龍虎俠傍靈風聚煙青眞護肝
紫虛鬱秀三官瓊堂輔翼萬仙千百相連千和萬合自然成眞
眞中有神長生大君無英度籍白元執經太一稟生司命主盟
道藏輯要

度人妙經

卷之三 九集五

第一欲界飛空化尸之音

聚氣因精	變形因風	風通玄智
告化之宗	重閭九膜	實由道功
生而爲人	巧笑雌雄	仙聖鬼神
往來其中	慾海漫漫	心波渺瀰

意逐則往

莫測所因

生氣等秋毫

結形如冰漸

輔弼分斗光

入兆雙目瞳

見量出大虛

至神一與同

偕道數受增

形死再童蒙

數盡呼吸止

委口但形容

七魄攜三彭

六道循無窮

真人自入妙

化尸白日沖

太一召百神

稽首重冥空

洞妙得天氣

紫雲回九宮

七祖昇九霄

保身如靈松

第一色界眞王受形之章

染空爲色

色化爲空

色化無常

道藏輯要

度人妙經

卷五

空卽非空

未形名空

受形爲色

形化色盡

命謝歸空

空亦無來

形本不住

形住色住

空非來去

以妄見空

妄緣名色

皆是大道

何可詮擇

寓空成形

杳冥中精

誰立何受

陽動而生

空非陰陽

陰陽非空

認空爲道

網中死禽

非道非空

象外飛龍

能知此者

受形無窮

受形化尸

不合不離

化尸無相

恍惚有象

此非業道

生化長養

是吾道玄

眞王靈篇

告爾羣氓

非人勿傳

第三無色界玉清王空洞歌曰

梵炁无无

玉清鬱羅

下直神邱

環迴海波

七劫金山

萬天瓊柯

日月兩曜

浩劫經過

吹則陰生

呵乃陽至

香風紅雨

寶樓瑤址

元始流精

壘雪積酥

遇火成液

鑄彼玉京

巨山崇石

比兆泥丸

內蘊黃赤

天潢奔注

尾閭固塞

道藏輯要

度人妙經

奎

元集五

洶洶洪濤

湛有天德

比兆脊節

內有九眞

白雲滔滔

神風八面

無英青巾

御氣成雷

玉女吹笙

五音勃興

七情啼笑

道有至精

無形無名

化尸與受形

仙籙書紫靈

歌此空洞歌

至理升無名

世不悟眞道

轉輪更復多

去來何幾數

永沈慾海河

此三界之上飛空之中眞王歌音音參洞章誦之百遍名度南宮誦之千遍天真保迎萬遍道備飛昇太空過度三界位登仙公有聞靈音魔王敬形勅制地祇侍衛送迎拔出地戶五苦八

難七祖昇遷永離考官魂度朱陵受鍊更生是謂無量普度無窮有祕上天文諸天共所崇泄慢墮地獄禍及七祖翁

道言此二章並是諸天上帝及玉清真王隱祕之音皆是化易委尸受度生形成道登真換氣回生自然大梵之言非世上常辭言無韻麗曲無華宛故謂玄奧難可尋詳上天所寶祕於神霄玉清王府東華玉堂應上帝誥命流傳若有至人齎金寶質心依舊格告盟十天然後而付焉

道言夫這道則失生離精則散氣炁寂神逝所遺肉骨齒髮形狀塊息尸居以其不能留神養炁儲精但同木石無知覺動起挺運於是則謂之尸至聖神人將還氣招神慧生於尸歟爾而

道藏輯要

度人妙經

齋

九集五
X上

知既受故形若返故都百神來歸遊宴金堂玉室之內若見世緣情欲所至心意所感不知其由仰視三辰俯觀萬類欣然自得得道高真化尸受形物理皆如是已凡運度否終日月虧盈人有休否死亡疾傷凡有此災同氣皆當齊心修齋六時行香十遍轉經福德立降消諸不祥無量之文普度無窮

道言夫末學道淺或仙品未充運應滅度身經太陰臨過之時同學至人爲其行香誦經十過化尸受形如法魂神經上南宮隨其學功計日而得更生轉輪不惑便得神仙

道言夫化尸受形不但祗於人身可同等於天地迎生續氣致福請年與道無爽至若天地運終星宿錯度日月失昏四時失

度陰陽不調國境有災疫毒流行兆民死傷師友命過皆當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰無量普度天人道言凡有是經能爲天地帝主兆民行是功德有災之日發心修齋燒香誦經十過蕩滅尸穢身獲飛仙皆諸天記名萬神侍衛右別至人尅得爲聖君金闕之臣諸天記人功過毫分無失天中眞王亦保舉爾身得道者乃當洞明至言也諸天中大梵隱語無量音 道君撰
元始靈書化尸受形玉篇

東方八天

道藏輯要

度人妙經

奎川。上 亢集五

潮瑜激瑛

珍予交懷

冠祕攸尙

晞燠霽經

緣原珞珂

宛翠肆陳

撲乾邦都

異嶧方岷

蔽婁祠欸

鬱丹儀迎

便綠艷佑

祈斗遙森

明孺芽合

淋津濤淋

馥廓阿奕

司茨奏雷

南方八天

烘忻烈光

炯霞爛宿

珥瑞韓司

機詮陰煜

力縉維南

剛勅燿逐

魚柄連題

萬嶽官笛

隸正籍契

眷龍慈職

勉湯句沙

鐸神延繫

倫極指徐

邀魂返策

化受涓煙

宅輅展澤

西方八天

翼衛星棟

鍊化莫綿

軫常遊羅

蹟運巴延

電治肇零

晶劒离田

嚮庄乞池

岫古登連

忽息回火

帝符靈立

承咸拱風

寶牢瀆淵

費陽宣洽

動龍朗端

混鎖溢負

道命空觀

道藏輯要

度人妙經

卷

元集五

北方八天

騎舒玄佳

婁突灌生

交精忻蛇

野鑿泛流

蜃淮湧嶽

流涸憩庚

靈帶併火

識覺轉周

太虛玄漠

素台冰渾

執交機印

造育仙謀

循軌罔商

日馳妙虛

尸毛山斬

耳魁東居

道言此諸天中大梵隱語無量之音舊文靈祕瓊函眞王勅太
立司命上清靈虛眞人以丹筆書之佩服化尸受生疾癘殃禍
應當滅解如風揚塵世間異冤尸怪一切不祥朱書火化服之

或禁勅廟社立應天書寶圖字皆廣長一丈天真皇人昔書其
文以爲正音有知其音能齋而誦之者諸天皆遣侍眞靈官下
察其身書其功勤上奏諸天萬神朝禮地祇侍門大功眞王保
舉洞妙德廣尅得遊行三界昇入金門此音無所不辟無所不
禳無所不度無所不成天真自然之音也故誦之致飛天下觀
上帝遙唱萬神朝禮三界侍軒羣祇束首鬼精自亡琳琅振響
十方肅清河海靜默山嶽吞煙萬靈振伏招集羣仙天無氛穢
地無祇塵冥慧洞清大量玄玄也

道藏輯要

度人妙經

卷一

元集五